//

深

文

鈔

半於嘉靖浙江通志得合州郡學記中津橋記於文軟得筆說於經 悦齊文集四十卷別集三卷千頃堂書目尚著錄然其 殆重刊木數自懷敬删重刊本為文粹而四十卷之本為才復得走 粹已散佚然猶賴其掇拾殘賸得存什一於千百今東陽王氏金華 什應用之作居多非復稿次之舊是文集原本明初日 粹序云諸孫懷敬得重刊本以發題愚書足四十卷七 氏禮記集說得郊那堂社稷季尊卜筮等說六篇於文獻通考得 文略所收二十一篇即從阮氏本錄出也楠囊於二十一篇外從衞 館職諸策上諸執政書以文多不錄及霞嶼阮氏編金華文徵時文 **咸氏雖覺其非然所編金華文軌僅錄悅齋交五篇周素道藝諸論 阎爲金華守編金華文統意在表章道學悅齋之文橫遭屏斥雪崖** 九畿及司徒建國案此篇亦見一篇於玉海得軍賦及圖書封章說 |篇於厯代名臣奏議得劄子五篇叉於山堂考索得禮記發題之 **国祖公兄去帝人人本少士**

序編入九經發題拾於散亡之餘故易其篇題詩說六義四始說編 篇館職策四篇書一篇序說三十六篇論十九篇雜文十四篇詩十 政入統十二月卦等二十五篇皆嚮所未見阿曹栞生及唐氏允執 詩於赤城志得游蓋竹山詩於金華詩粹得雲峯院石洞邨舍諸詩 尚圭兄弟亦以辟驅園朱文選婺賢言行略厚園唐氏譜來助校因 者復於所錄外得劄子一篇館職策一篇官制兵制田制總序三篇 入詩解軍賦說軍制答問獨入魯軍制九問別自為卷外凡銜子九 都諫所輯唐氏經解錄見贈內田廬保伍九州十二州五行五紀八 先大夫命蔵茲事採摭粗就不幸棄養又復中輟近馮羊山以其先 論十三篇雜著六篇經說四十餘則以奉檄徐州未及編次歸里後 義考得孝經解序六義四始說於金華府志得金華縣治記續八 與濟之合諸本勘訂以成先志除易書春秋論語孟子諸論孝經解 都為 |篇編爲十卷|而以逸篇逸句附於第十卷之末蘇平仲云悅齊著 一册以冀續獲旋從姚春木家得殘本悅齋交粹校勘曩所得

したシンター

篇此非有人拉雜推燒者而殘飲若是則或傳或否似有數焉存乎 輩所及攻之則不能晉之則惡其害已而後忍而為此 舉也然托 而排之至排之不已舉其著述拉雜推燒之必其經術文章萬非若 學一糾朱子一為朱子所糾所者經說學者遂置而不問戚雪崖云 其間未必盡由秦炬也且使悅齊無可傳彼依草附木者必不屑忌 即吾婺潘默成集十五卷方韶卿存雅堂稿三千篇今殘稿不滿百 典中得詩文艺千首鈔而編之以備南朱一家之言則合朱子復起 述因為朱子所排皆澌城不存朱竹垞云林黃中唐與政皆博通經 托等欲沒其人不知周氏密葉氏紹翁張氏樞宋氏廉鄭氏柘錢氏 兩朱通儒如鄭灰際供容齊王伯厚文集皆盈百卷而今存者寥寥 或亦以予為然四君追悼遺文之七不無遺恨於新安未派然吾親 困學紀聞引悅齊之言律律如此已見昔人之有同心近於永樂大 君子不以人廢言若唐與政以帝王經世之學雄視一時其文要亦 不可盡沒其善今悉從擯棄非感無全謝山云王孫等私淑朱子而

油素往鈔乎吾知必有好事如謝山者張作楠序 料六百年後斷簡殘編仍登秘閣得仰邀聖主之褒題哉然則悅應 永樂大典藏在禁延又非外吏所能到吾鄉幸有讀書中秘者肯查 之不朽者仍不朽矣茲編較原集雖甚少較文軌文徵交晷所收則 氏伯衡楊氏士育阮氏·元聲戚氏雄馬氏亮及朱氏彝尊素氏蓝田 之矣趙鶴吳師道輩欲廢其書不知衞氏是馬氏端臨王氏應麟蘇 已多欲觀悅齊之交者殆莫能舍是矣惟全氏所編旣訪求未獲而 顧氏宸朱氏炎姜氏翰全氏祖望已搜其遺文傳之矣且彼又烏能遊 士升朱氏右童氏品應氏廷育吳氏之器王氏崇炳已採其遺事傳

唐悅齋先生文鈔目錄 卷一 卷 館職備對劄子四文粹 名臣奏議 信州朝蘇劄子二支粹 文微 交略信州朝蘇劄子一支料 館職策一支粹 台州人奏劄子三文権 館職備對劉子三文粹 名臣奏議 **館職備對劄子二文粹** 館職備對劄子 台州入奏劄子 館職兼二支幣 台州入奏劄子二文粹 日錄 一文粹 文粹 名比奏議 一殘本悅齊文称 思代名臣奏議 文徽 名臣奏議 金華文徵 金華文略 名臣奏議 文略 婺賢言行略 厚國唐氏譜 續金華叢書

卷四 卷三 館職策三支格 田制總序支粹 兵制總序支權 保伍說經解錄 官制總序文義 上四府書文徵 交略 上張相公書支微文略 館職策四文粹 文徵 宋文選 唐氏譜 交略 辟疆國宋文選 唐氏譜 唐氏靖里 **婺賢言行略** 唐氏譜 經解錄 唐氏経解錄 按此篇斷爛不完 文啊 **麥剛** 亥幣

卷五 **農桑勸課說經解錄** 太宰九職九賦九式九貢說經解錄 委積補助洗政說經解錄 農際講事說衛氏禮記集說 周知民數說經解錄 力政異同說經解錄 建極說經解錄 九州十二州說經解錄 齊內政寄合變周說經解錄 九畿說文獻通考經解錄 可徒建國說經解錄 司徒建國與武成分土孟子頒禄異 大大 紹解錄

和天就 禮記集說 八政說經解錄 **季尊說禮記集說** 心地說 程 解錄 學校說經解錄 小筵說禮記集說 五紀庶徵感通說經解錄五行五事庶徵感通說經解錄 明堂說禮記集說 五紀說經解錄 二德會極說經解錄 玉海 經解錄 經解錄 經解錄 經解錄 經解錄

卷七 周論文粹 唐論交権 湯舊論交 辉 經解錄 范蠡論交推 鄉八刑說經解錄 **胶**器論 文料 明刑弼教說經解錄 王陵論支權 八統說經解錄 目錄 文徽 文略 唐氏譜

卷九 卷八 讀中虺之誥交粹 孟子論交格 詩論交幣 **荀卿論交**権 釋老論 交幣 交徵 交略 唐氏譜 學論文粹文徵文略、婺賢言行略 顏曾論交粹 道藝論交権「支徴」交略「唐氏譜 性論文粹 交徵 文略 讀盤庚文者 交軌 按文徵所收孟子論乃孟子發題之文 **蒸賢**言行略 婺賢言行略 唐氏譜 唐氏譜 唐氏譜

卷十 讀荀子禮論交粹 筆說 文東 韓子後序交徵一交略一唐氏譜 讀荀子樂論文粹 續八家并序 金華崩志 唐氏譜 題王介甫荀卿論下交舞 新建中津橋記赤城志 重修金華縣治記金華所志 惠氏譜 送同官黃教授序文徵 | 文略 宋文選 唐氏譜 書秦少游書王蠋事後京新 友徽 交縣 武成脫簡交將 石洞金華縣志 金華詩教 金華詩教 重修台州郡學記赤城志 嘉靖浙江通志 唐氏語 华江通志 唐氏譜 宋文選 婺賢

| | | | | | 逸篇选句 | 邨舍詩粹 詩經 | 雲峯院詩粹 | 游蓋竹山赤城志 東 | 目錄 |
|--|--|---|---|--|------|---------|-------|-----------|---|
| | | | | | | ** | 詩錄 | 一唐氏譜 | |
| | | | • | | | | | 金華詩粹 | *************************************** |
| | | - | | | • | | | • | |

偏無黨王道蕩蕩無黨無偏王道平平無反無側王道正直會其有 彼消則此長好惡一出於作偏黨反側一萌於中決擇差於毫釐而 極歸其有極言私心去而直道行也繼之日皇極之數言是舜是訓 臣聞人主之道淸源正本而不從事於末流是以所 成也蓋私欲公義在方寸間如衡之首尾此重則彼輕如田之苗莠 于帝其訓凡厥庶民極之敷言是訓是行以近天子之光言直道行 爲成治功在善風俗善風俗在行直道行直道在去私心箕子之書 悅齋文鈔卷 天下之從風而靡者已不勝其眾治道亦從而隳深可畏哉臣仰惟 而風俗善也終之曰天子作民父母以爲天下王言風俗善而治功 日無偏無陂遵王之義無有作好遵王之道無有作惡遵王之路無 爾大所治彌近而所及彌遠臣當質諸經訓深探治道之具才等上 館職備對劄子 華 唐 仲

既能而滿假怠忽者也陛下勤勞萬幾清心寡慾正心誠意之道固 **懋懋官功懋懋賞此古之賢臣所以諄諄於聖君而聖君不以旣知** 際故益之戒舜先以微戒無虞周失法度周游于佚周淫于樂繼以 善如今日者也明詔屢下豈不丁寧怨切而美意未字臣竊惑之意 任賢勿貳去邪勿疑仲虺之告湯先以不邇聲色不殖貨利繼以德 己而已臣觀自古直道之行本於正心誠意之問題於舉賢放佞之 也三代之所以直道而行也言民無停窩道有與廢人君亦當求諸 無亦非昔多而今寡豈直道可行於古而不可行於今哉子日斯民 者直道之有未盡行欺且大公至正之道人心同然不爲智有而愚 者豈無而姦宄詐偽之罪日干於刑書未見聖人在上而風俗之難 法循理者雖眾而誕謾苟且之責尙煩於司欺問里之間利仁樂義 克小康而未能卓然遠追隆古之盛臣當推原其故則精紳之列奉 之成蓋無所不用其至是宜中外丕應以承休德然而十年於此僅 陛下紹累聖之休緒纜太上之丕業宸心孜孜夙夜勵精以求治功

慢療交到卷一

所躬行剛明果斷綜覈名實舉賢放安之道亦所洞曉然區區微臣 於嗜好之私而非先王之法度外而察諸用人之際勿使一職獨出 心如禦寇仇存公道如護元氣內而察諸存心之初勿使一毫或出 猶欲以古人之望於君者事陛下惟聖意察臣愚忠少加淵慮防 於左右之舉而拂天下之公議倘有則斷而去之既去則敬而守力 陛下先審其本末而已曷謂本治安是也曷謂末富强是也安者必 此心既存此誠旣著直道猶有不如三代之隆臣不信也詩日周道 由分人君之用心不可以不審也用心於其本則所進者皆道德 富富而不安其富易質治者必强强而不治其强易弱此本末之所 圖艱難之業又不可果敢而欲速然則建一定之規收萬全之效在 年聖意未嘗一日不在於恢復也荷付託之重旣不可畏憚而自怠 臣仰惟陛下絕太上與復之基念中原陷獨之苦憂勤宵旰於茲十 如砥其直如矢君子所履小人所視惟陛下念之取進止 館職備對劄子二 悦齋文鈔卷一

|義之士所行者皆保民治國之術其初若無可喜之迹其終乃有不 崇宋璟楊綰崔祐甫杜黃裳李絳之儔相與謀謨所言所行無非納 間唐之威令幾於復振而亦不克終彼皆一君之身而治忽若此相 之氰德宗建中之初有貞觀之風未幾而有奉天之難憲宗十餘年 數請以唐之三君略言之明皇開元之際幾致太平末年乃有天會 戰聚斂之事其初似有目前之利其終乃有不可勝救之弊自古人 忠直遠議按修己任賢節用愛人之事是以三君進其德天下蒙其 超贊皇甫鎛程异之徒相與迎合所言所行無非聞上地充府埠剝 | 財以復河湟雕右是三君之心在於富强則有李林甫楊國忠盧 祀 澤中與之業所由以成及明皇侈心一動德宗連年用師憲宗欲積 逐貢獻憲宗欲庶幾二祖之道德風烈是三君之心在治安則有姚 反非其才智之殊特以用心之異爾方明皇之勵精政事德宗之罷 君以此二端而有成敗安危治亂榮辱之異其迹皆可考臣不暇獲 可勝計之功用心於其末則所任者皆權謀功利之臣所謀者皆攻

臣聞崇儒納諫人主之大利而小人之所甚不利也自古聞以不用 能自已於言也臣愚無知竊惟中與大業可以道勝非可以智求可 大體惟陛下裁赦取進止 其摧枯拉朽之易爾不然臣忠功利之說得以熒惑聖聽小人藉此 明下慰人心上當天意然後總帥天下之賢俊以畢順應之師臣見 抑退功利之說專講治安之策不急富强之計使德澤流治政教修 以德服非可以力取伏望陛下遠師三代近法祖宗進用道義之言 漢之風而於三代之遺意確宗之家法若不能無異者此臣所以不 而進非徒無益而又害之則中與之期或非臣所敢知也臣愚不識 人先才力而後學術郡邑之布政急催科而緩撫字最最乎戰國秦 下附上剿民怒眾之事是以三君受其欺天下被其毒已成之功所 理臣言固以為贅然臣猶有私憂過計者竊觀比年以來朝廷之用 由以壞載在信史最前事之可爲鑒戒者也陛下天資高明灼知此 館職備對劄子三 イングーファイ・スー

一諫諍前古帝王蓋未有先之者一時士大夫亦宜知儒雅忠讜爲先 安得斯言至士大夫之間安知不有眞儒忠諫聞此而退藏者非朝 一然臣復至董戰已經二年每聆縉紳之論咸日毋談王道時將以汝 先臣某仕宦三十年不離校官晚蒙陛下擢置風憲不愛驅命空臆 廷之福也然以臣所親間質之則二說決不出於陛下之聖意臣之 士止於于里之外而況迂闊矯激之說乎仰惟陛下降意儒術虛懷 一之根本未有不以此藉口者也訑訑之聲音顏色拒人於千里之外 似迂闊諫者必進苦言其迹似矯激小人欲塗人主之聰明蹶國家 未然莫若諫儒用諫行則國家之根木强固人主之耳目聰明彼小 義謹平臣子而政貴其上莫若儒明是非辨邪正察乎幾微而消於 儒削末聞以用儒亂聞以不聽諫亡未聞以聽諫危蓋法先王隆禮 儒者固無非之可指諫者固無罪之可名也然儒者必談王道其論 人方無所容而何利於此哉故必煽為邪說以上惑主聰下沮淸議

武王日不作無益害有益功乃成孔子之答子夏日無見小利見小 立於朝諫者不愛其死實虺宗之漏生靈之幸豈惟微臣取進止 經筵而精其選優容臺諫而聽其言誠意既孚羣疑自判使儒者願 利則大事不成此經傳之明訓圖大業者不可不知也臣仰惟陛下 臣聞聖賢之言垂訓萬世遵之未有不成違之未有不敗召公之告 稀臺諫之論列罕用妄意邪說之所自起或由於此伏望陛下數御 罰之所能及亦修其在我而已臣愚無識觸見比年經筵之講讀頗 不能無疑陛下欲決天下之疑使真儒忠諫不憚於進是非號令刑 盡言正世俗所謂迂闊矯激者也然而每一進見必蒙陛下過言俯 夙夜勤勞思復祖宗之洪業聖意固在於立事立功也然臣觀比年 先臣所以抱病危惙循笨烙於教忠也然則今日精紳之議其不出 按烏臺章奏十可其九最後論疏雖未即行不踰數月亦已追用此 於陛下之聖意必矣然而邪說已城人心已搖非如臣輩世受國恩 館職備對劄子四 見免断て少ない 罗夢

之心欲爲國家與利者蓋其所見止於小者近者故不能權其輕重 盆而妨大事也臣愚竊謂勸農治兵具有成憲生聚訓教本無奇策 帝與民休息之成效今之議求益謀利而不本之於民此所以害有 說無疆蓋益民乃所以自益利民乃所以自利也漢武帝士馬雖盛 於益民國家之利莫大於利民在易益以與利其象日損上益下民 以務求其遠者大者耳臣聞民惟邦本本固邦寧故國家之益莫士 之甲胄版槽之楮幣徒作而無益利小而害大者及未易以悉數也 窮追遠討乃交景務在養民之餘力宣帝推亡固存單于慕義乃昭 臣嘗察之其間託公營私假途求進者誠多有矣然亦豈無持區區 且當聖主有為之時而有司救過不給將何以共成大功仰稱德意 親一毫之利而有不可勝言之害其他若淮之銅錢處之鐵治諸郡 盆而見小利者是故發運無益於財而害民屯田無益於食而害兵 建議與事之臣鮮爲經八遠大之謀易言輕舉數爲數更尚多作無 見增租之小利則根括沙田見商賈之小利則議變鹽法此四者未 具小元の文を含

陛下推至誠於上有司奉成法於下雖不多為紛更日積月果為益 廷而行乎郡邑雖小大之不同然貴平中正則一而已上有督責之 甚大苦口姓滋殖則無求不獲無為不成較之輕為數變卒無所利 足雖致富可也然出合者惑於浮議則法有時而變行合者牽於私 天下之財賦明白周備無非中正倘能上下同心謹守弗壞豈惟僅 行令不可以不中正也臣竊惟國家自祖宗以來建立法度以經理 也行合苛急則傷民民傷則本蹶行合弛慢則從東更縱則用匱故 令則下有暴更上有姊息之令則下有猾民故出令不可以不中正 臣聞理財之道中正為主荷過與不及必有偏受其患者令出乎朝 得失甚明惟陛下留神詳擇天下幸甚取進止 意則法有時而壞變數而壞多則胥吏因緣為好而斯民深受其弊 公家之用亦從而乏矣臣願陛下內飭朝廷謹守祖宗之法度毋數 以浮議而變外戒郡邑謹守朝廷之法度毋輒以私意而壞內外遠 信州朝鮮智子一 ではないくかとない

良法美意民之困苦固自若也臣愚竊謂縣得賢令雖以簡要之法 於科率需索誅求谿壑無藝故民破產於騷擾一樂不去陛下谁自 導使論丙轉以及甲故民破產於爭訟其旣差也峻刑於追呼巧法 臟汙委政胥更夷緣爲姦蠧害百出其始差也甲當充役或先差丁 人情顯行法之人何如耳得其人則法行而民情安非其人則法廢 負陛下臣初任縣僚當思考役法之本末久伏田野又熟察民情之 國裕民可以兼得少副陛下培固國本規恢治功之意取進止聲日悅 利病乃知法雖畫一而情有萬殊法可以通乎人情而不能自用平 而民情擾比年以來民情所以厭苦於差役者蓋有由矣縣合情动 酌期歸至當德意蓋深厚矣臣誤被臨遣下愚之管見不忍自默以 臣仰惟陛下軫念元元思苦役法數年以來數採議臣之請損益斟 如此毋輕議也上齊先生學術之正 近精白一心共由中正之道庶幾好猾無所容而善良均受其賜 信州朝鮮劄子二 関節である。一人の子

皆賢則考察勘懲誠不可緩臣願陛下申前監司守臣謹察縣令之 賢否稍其差役訴訟之多寡騷擾之有無以為嚴最取其甚者條奉 行之而民猶安縣無賢令雖以周密之法行之而民猶擾今周不能 有以害之也夫物之不齊物之情也故有天下通行之法有數路共 之急務也取進止 臣間治天下者號令欲信事功欲立或至於不信不立者偏見之言 挾情以肆欺罔特其所見者一方之利害急於上達而不暇究其他 歸於治而已言者之見聞或未能周知而獻其一偏之說則利於此 行之法有一路一州一縣一司專行之法皆因其不齊而為之制同 未必不害於彼得其一未必不失其二號令之未半事功之未成皆 由此也以陛下之聰明神聖如青天白日照臨於上凡百臣子何敢 不免涉於偏見故言之未必可行行之未必能久此臣恩所以惓惓 一賞罰焉忠幾官知奉法吏不敢欺民被實惠輕於從役實郡邑 台州入奏劄子一 **院齊文鈔卷一**

蒙聖慈採納臣言乞自今以後有言一路一 施行指推廣此意及於言諸路州縣之利害亦滿而後發之術也 遠臣愚不識大體惟陛下裁赦取進止 移理索不得其中則貧富無以相資過割不及其時則版籍至於貿 然也且以郡邑財用言之不過夏秋所稅権酒征商之屬爾詞訟淹 如與言者符合自可即行如有異同別委監司或專使體量朝廷 亂如是而欲夏秋兩稅之及時可得平寇攘不禁則道路充斥質劑 延追呼煩擾則農桑必至妨廢差循不公豪猾放縱則戶口必有逃 臣聞政事財用初非兩途故孟子日無政事則財用不足此理蓋均 州開具因依立限間奏如係監司郡守任滿所陳即令現任人條具 長斟酌然後施行其欲天下通行或權宜施用者小則令本部勘當 大則集議而後行如此雖與於初必利於久較之多言數更得失相 陳其管見也臣稱見郡臣奏請事涉省部者必下所屬朝當然後 台州人奏劄子二 州利害者先令本路

通法守不謹則及百弊之所由生難以悉數無政事而欲財用之足 是而欲權酒征商之登羨可得乎若乃姦吏不除文書不明人情不 獲善罷更相懲創務爲荷簡趣辦之計但得官物不欠則慶以爲職 臣不敢信也臣觀比年監司之於郡守之於邑荷財賦倚辦其他齊 于幸郡守察舉縣令必其政事修舉財用兼足者若專務趣辦級於 舉至於民事類不經意詞狀有彌旬而後受者追呼有累月而不到 者獄詞版圖契券要會視為不急胥吏因緣為簽豪猾得志善良扣 之肝不利多方中傷有不幸罹於罪者而含糊不斷以苟延歲月類 多闊略假借而又守令權任浸輕倘有奉公恤民之心則猾胥豪民 旨戒飭郡邑之吏使以政事理財用無以財用廢政事凡監司察惠 之源日以耗竭非所以仰承陛下愛恤斯民培植本根之意願降睿 不信則商旅留滯醞釀不善則人不樂酤滲漏不檢則利歸私室如 塞催科既急句稽不明形勢鮮或誰何下戸重併追擾戸長破產代 納數年未免監繫雖其計目下取辦其如中產良民浸就胺削財用 ■ **投**齊文鈔卷一

一中令勸論富室上戶更加接濟容令寬限了還如實貧乏委無從出 宜明為期約示之必信臣聞本朝司馬光以河北災傷條賬贍之策 債負併在蠶麥細民必困理索富民慮借者不得併還未樂借貸更 不得因此轉利為本及非理準折亦須蠶麥成熟方可旋行理索臣 民事者毋得薦舉其刻剝偷惰取怨於民必加糾劾庶使守宰奉法 **肾膏旨下諸路運司** 索示以必信不可許誘臣謂光言可行於今欲望陛下採光之策明 謂勸論借貸最爲救荒之急務此令既行爲利甚溥臣愚尙慮舊新 便利百姓之道甚備臣雖至愚願效管見竊覩近降指揮私下債負 臣伏覩近歲屢稔而戸口日眾官用寝廣公私蓄積未至充行年 日富室有蓄積者官給用冧聽其舉貸量出利息候豐熟日官爲此 不登民已難食陛下軫念元元力講仁政所以周急濟困慰安小民 循理兼盡撫字催科之能兩得保障繭絲之利不為小補取進止 台州入奏劄子三 應災傷州縣並合守令勸諭富民自陳蓄積

息不得過三分其鄉例不得將舊債作新借之數其舊債自從以降 實惠不勝幸甚取進止 傷方可從州縣陳請舉行兒於習常乃爲良法此合惟出朝廷民無 後應成熟處不許富民陳乞再給簿稱自如常年鄉例借貸惟有災 指揮蠶麥成熟旋行理索其新借至秋成日卻據印給簿冧理索此 借貨願多以分數借貸者聽本縣印給簿稱開坐指揮約自日下至 麥熟以前節次借貨簿秣用合同印記簿在富民秣付借者每月取 不信如蒙聖慈採納乞下戸部勘當疾速行下庶幾違方之民蚤沾 之數除存留其家歲計之外實餘若干以十分爲率七分出輕三分 **脫齋文鈔卷**一

悦齋文鈔卷一

從齊文珍卷一 哉然而利害可否差之毫釐成敗得失殊於香壤故必爲之採謀遠 之士孰不思決拘攣奮剛斷矯革而振起之以與利除弊去故取新 者也謀不善而断先之天下之事未有能濟者也由古以來易嘗 對圖事之道以謀為主斷為輔謀善而斷從之天下之事未有不成 處而不敢以輕舉妄動非樂因循而憚敗作也非干名譽而畏怨謗 也以為革而不當動而不獲則非徒無益也吉凶梅吝從而生焉昔 日無當為之事倘患之不可不去與利之不可不與欲治之主有志 館職策 問今日之患在於員多缺少欲嚴取士之式裁任子之令可 括田多之贏更錢重之弊可平食更肆行欲行鞭筆之合用 縣墨之刑可乎 乎軍籍冒監欲覈虛偽之籍太老疾之人可乎用度乏急欲 ■ 免薪文 少长十一· 未 金 華 唐 仲 友 癥金華叢書 撰

敢力行有未足乎管見測之蓋不輕於斷而欲善其謀爾天下之理 士之式裁任子之令以籽員多之患非不可也或未免遺才之處既 利與害相生愛與惡相攻未有利而不害愛而無惡者也且欲嚴取 以供貪吏肆而法不足以禁此上下所共憂公私所通患不可不备 患入仕多而缺不足以給軍籍濫而財不足以贈用度廣而賦不足 舍道旁謀而不知斷者也欲速則不達無遠慮必有近憂斷而不能 圖不可不深慮者也然而聖主焦勞於上議臣講求於下凡救弊之 謀者也有 息之與矯枉皆足以生患猶豫之與輕發皆足以取敗俟河之清作 術理財之方戢姦之禁每購蹋熟計重於更張明策又以下詢豈果 之於漢更高祖之約削諸侯之地父猶危之而錯不恤二人之爲斷 者國係之於鄭褚人之衣冠伍人之田購人欲殺之而僑不懼量錯 否之不同何哉僑之謀善而斷從之錯之謀不善而斷先之也故姑 則同矣然三年之後僑有與人之歌七國之變錯受首謀之禍其濟 一於此不足以辦天下之事明主忠臣所不為也今日之

選合以員多而欲裁城之是因喧而廢食也處其遭才非過計矣軍 擾行鞭箠之令用黥墨之刑以止貪汚之風非不可也或恐傷好來 括多田之鳳更錢重之弊以濟用度之急非不可也或恐重吾民之 虛偽之籍、光疾之人以革兵元之盡非不可也或未免致怨之 之淺深乎由古迄今取材飲賢雖非一途科舉任子得人為處三代 之仁此議者所以粉紜而未決也亦嘗權其利害之重輕較其功應 譬猶水焉原泉混混不舍晝夜放乎四海有本者如是也而集講論 籍之監爲日已久上下相蒙姦許百端海壘幼弱而竊原賜者非 以降名卵才大夫類多王公之族隋唐以來元臣碩輔皆由進士而 之輸錢重而權之法固未至於擾民然特理則之末再則之在天下 父兄即其子弟虚名貴賞以規厚利者非其將校即其統師今以財 皆盈其涸可立而待無本者如是財而不理其本未為盡善也敗民 而加之刑蠹國而重其罪固不失為好生然特禁人之外耳政之人 而欲簡聚之是一拔而去齒也虞其致怨亦非私憂矣有餘而 かば スープ・ノン・スコーニ

善也大抵為天下者當務乎經遠可行之謀不當狗乎權宜一切之 暴法若甚寬而其嚴不可犯猶江河然功若不顯而其利不勝計猶 害善當時名臣智士與後之善義者若李泌非不爲之更張若劉總 桑宏羊之屬因以剝下吏道多端法固當嚴而張揚杜周之旅倚以 質以省員致謗讟蕭俛以銷兵生屬階用度不足財所當理而孔僅 制彼權宜者欲速者也無遠慮者也見小利而忘大體者也音張延 以德齊之以禮有恥且格者王者之事也人而不化其心亦未爲盡 人不深於教道之以政齊之以刑民免而無恥者霸者之事也道之 行之謀則異於是因其勢而利導之探其本而力救之通其變使樂 諫而不用或悔而已晚此厥鑒不遠在漢唐之世者也至於經遠可 非不為之措畫若汲點非不爲之廷爭若路温舒非不爲之極論或 可行之謀果何在乎請去泰甚精考課以清入仕之流請擇將帥 天地然此唐虞三代之所先務而五霸漢唐之所不及也今日經違 而不倦神其化使由而不知待之以馴致而不迫處之以忠厚而不

で湯う金オー

帝之信賞必罰綜覈名實使罷軟無能者廢而不得遞進姦臟罪惡 舉之職廢有過者既多倖免間有得罪又易於牽復所宜力行漢宣 者去而不得復用則源澄而流清矣譬之取金焉其始飲之沙與金 之甚嚴或罷遣歸農或詔不得人全解或詔不得擬外任非愛彼而 家思幸之臣卜筮技巧之旅騶子舞胡之屬皆奉私以則而不宜私 帝踐祚之年日不暇給首開貢舉不敢少幾至於技術流外之屬待 以名器者也流外之積勞入貨之拜爵降人之換補獻言之酬獎皆 泰甚黃霸有三治道去其泰甚者今之人仕蓋有泰甚者矣成屬之 廉潔以變貪墨之風此皆易知易行非有超世絕俗之舉也何謂去 求才貴廣考課貴精合之考課蓋有未精者矣自外臺之權輕而 押此理當然耳成憲具在可不鑒而行之乎何謂精考課陸費有言 <u>閏籍濫京秩若於此輩更加吝惜則仕流漸清任子稍寡矣太礼皇</u> 可授以試官而不可使之親民者也令大則析珪組分旄鉞小猶通 || 院齊文鈔卷十一

當部以革軍籍之濫請與屯田省浮費以濟用度之急請尙風化獎

威約之漸也今將簡嚴諸軍而不先擇其將帥又將使朝廷任其怨 此以諸將之不畏法也今之諸將非若信越之人傑崛强而難制 後必從而汰遣著在今甲有司守之嚴且客矣而尺籍伍符隱監至 制三桿虜有功不敢驕被斤不敢怨奚獨明審均當有以服之亦積 伐四克而無獲悍不馴之患豈惟雄才英斷之非人所及實以我太 猶未辨也颺之忧之則沙去而金存此最官人之要道也唐武后收 孰甚五代一旦周世宗誅其先奔賞其用命汰其老弱訓其精銳征 乎何謂明賞罰國家治軍豈無良法招募之始必欲其强壯老疾之 規虛籍之利有發姦伏使狙詐之智豈肯坐受旨濫之欺兵之驕惰 知人之明累朝賴多士之用贄之格言豈不可用之今日乎二策誠 人心務拔擢其官最為冗監然陸贅謂其賞罰明進退速故當世稱 未有將能而軍政不修者也彼艮將者有安邊境立功名之心豈肯 行人仕之流雖欲不清不可得也何謂擇將帥軍政之壞起於庸將

身昔句踐之謀吳卑辭厚禮重路行間以玩敵於外身自耕夫人自 之者以强寇之不容吾耕與諸軍之不樂於耕也不容吾耕者不宜 將督伏児離嚴無能者乎中材知奮厲况賢智過人者乎孰肯舍厚 賞罰之未行而無所懲勸耳誠宜明認諸將貸其前非禁其後來使 耕百畝將核以是為差於是士卒不勸而自耕此率之以身者也誠 織以率民於內此圖之以計者也郭子儀在河中以軍食常乏乃自 較之以力而宜圖之以計不樂於耕者不當驅之以法而當率之以 未能一返之南畝亦宜先為屯田耳屯田之利在歲月間莫有能行 今兩推荆襄之地有遺利而不關游技末食之人有遺力而不耕誠 屯田理財之道生之爲上猶耕而後可以求獲猶獵而後可以求譽 賞而就嚴誅哉二策誠行軍籍之濫雖欲不去亦不可得也何謂與 者封之勿疑察知其罪雖譽言日聞如阿大夫者烹之勿赦即姦雄 其籍虚而疲怯者私於己者也灼見其功雖毀言日至如即墨大夫 得以洗濯自新然後親閱而謹察之其數足而精銳者忠於國者也 元兄爵文少公二一

南之國化文王之政在位皆節儉正直德如羔羊化之感人其深如 之耳二策既行而用度不足愚不信也何謂尚風化羔羊之詩日忍 聲色不通服御不增夫人無曳地之衣禮飲無卜夜之過耳不聽鄭 衛手不玩珠王此皆前世恭儉之美聖心所素知者在加意而力行 富庶是可師也武帝窮者極欲海內虚耗是可鑒也太加皇帝省費 此豈嚴刑之禁所能及乎魏毛玠一尚書耳率人以儉而天 食之者寡為之者疾用之者舒則財恆足矣山林不能給野火滄海 使士卒知所觀效且命有司市耕牛轉農器儲糧種以給貸耕者須 宜師勾踐之謀以待敵國使疆場得以休息舉子儀之事以勉請將 見於郊祀仁宗皇帝節用先於宫掖豈聖主能行其一而難其 不能實漏戶浮費不省雖富易貧况不富乎漢文帝專務敦樸海內 成卒豈今日而不可行乎何謂省浮費記日生則有大道生之者眾 行之於唐令一下而願耕者什五六遂能不煩饋運而給十七萬之 熟則償其種官爲增價以羅其餘不過一歲而趨利之兵勸矣李説 哉

ドランチオニ

將貪廉懦立而況於今日乎何謂獎廉潔天下有豪傑之士不待女 豪傑少而中人多宜乎廉耶之不立也周官六計以廉爲主而漢之 畜有所不給而與貪肟芍賤者同進於常調則中人安得不怠天下 以勸之則勉無以勸之則怠今使清自之士待違次甘薄俸仰事俯 王而與雖無爵賞之勸而冰霜之操固自若也至於中人則不然有 外鑠我也惟聖主觀化原於奧髮之間大臣承休德於具瞻之地使 而效之者相繼清德之化人若是速者蓋禮義廉恥人心所同非由 莫不以廉節自勵唐楊紹為相城關徇散音樂撒喔損膳曾未終日 然此八策者皆法而已法者治之流非治之源君身者治之源也精 百吏鞏臣不待言詔黙得於觀感之際則雖百世之下聞其風者猶 神之運心術之動不離乎方寸之間而四方萬里被其禍福矣僥倖 千萬人悅風俗將曠然而變矣二策旣行而貪墨不止愚不信也雖 吏亦往往以察蘇進宣帝之賞朱邑光武之用孔奮顯宗之賜祭彤 又其卓然見於表異者也令誠擇其甚廉者而壓擢之賞一二人而 **配**院齊文鈔卷一

對自古有一定之地形而無一定之土字故險要之處不易而守備 譽之難明沒潤膚受之易惑可不處之以公平民至愚而難欺法既 足以碑末議 陳留當其衝上黨為之脊塞垣以界戎狄嶺嶠以限蠻夷此天之所 白馬盟津之要也井陘飛狐之道也洪河徑渭之川也長淮大江之 之計不同世所謂山川之險者鞏洛成鼻之固也宜陽商阪之塞也 之門難窒而易開佚欲之心易縱而難返可不防之於微乎情偽毀 行此三者何謀而不得何為而不成前所陳者皆其緒餘土苴耳何 明徧生間荀卿之言也自古皆有死民無信不立夫子之訓也信能 阻也西則隴蜀殺国東則碣石海岱北則太行常山南則方城漢水 久而易壞可不守之以信乎勑天之命惟時惟幾虞帝之歌也公生 館職策二 何在欲守而必固其策安出 問六朝鎮守所在不同今日江淮荆襄巴蜀之地必守之處

トロフィー ハスコ ピノ・

官渡操起党成於許則皆四戰之國也羊茄之鎮荆州也吳人寇弋 謂吾任天下之智力以道馭之無所不可已而紹以四州之眾困於 曹之起兵也紹欲南據河北阻燕代兼戎狄之眾南向以爭天下操 有鼎峙者矣有四分五裂者矣有僭偽割據別而爲十數者矣人者 并而為十二又合而為六七自秦以來則有統一者矣有中分者矣 帝畫野分州方制萬國商周之際存者數干春秋所見止於百餘俄 設以襟帶諸夏英雄之所必爭古今之所共知也然以土字言之黃 之策以為固圍之道倘必按陳述而從之不亦膠柱而調瑟乎昔袁 或數百載近者亦五六十年雖於地之險要所得不同莫不有保境 為守者無定所而必於同一成之田必有膏腴四通之道必有要會 巳若徙州則冠來無常又未知州之所宜據也旣而吳不能爲深患 陽江夏詔遣侍臣問以徙州之宜祜日疆場之事一彼一此謹守而 因吾境之所及量吾力之所至度吾勢之所便足以制敵安邊則可 而杜預之進師終藉襄陽之資也故善爲兵者無定形而必於勝善 悦齋文鈔卷二 -----

守江南京口石頭牛渚姑孰尋陽夏口江南之鎮守也進而有江北 角城舒城垂瓠白荷堆為鎮守又進而全有河南則東陽歷城祸敬 也顧其進退棄守不同如此皆事勢當然無足怪也太抵無江北則 漢中人而後復至其末年併與蜀而失之考其鎮守往往漢之故處 失之故其鎮守江南為重孫氏走曹操得荆州之半故亦夾江以為 矣何必區區於古人之迹哉自古以來封疆之守其詳不可勝言矣 鍾離合肥壽春義陽為鎮守又進而有淮北則朐山下邳彭城泗口 陽平建治實為重鎮晉三失蜀而三得之宋取仇池而不能有染失 守則陳氏所得江南而已故其鎮守亦隨時而還焉劉氏全有蜀漢 屯守晉兩失襄陽而復得以至於齊乃喪樊劉及蕭詧剛魏江陵失 則廣處歷陽濡須皖城邾城安陸為鎮守又進而全有推南則准陰 入淮甸故其鎮守自河南至於江南靡常嚴所陳於淮南暫復而旋 姑取其切於時宜者六朝是也孫氏奄有江東江北之地所得絕少 故其鎮守夾江而已晉宋齊梁經略河南暫得暫失而羯胡拓跋深

與江上之所當守者蓋易見也山川之形無改於舊城郭人民之屬 水陸之衝蜀之鎮守也進則劍閣為鎮守又進則漢中爲鎮守又進 滑臺雅邱榮陽虎牢格陽為鎮守自江南至於何其表裏可考如此 勢誠不便力誠不及輕戍之可也又何紙上語之拘乎古之善爲兵 非昔形矣必日古人如是吾今亦如是不可也必日古人如是吾今 建平西胺樂鄉上明公安荆州之鎮守也進而有江北則石城江陵 者其於棄守之際可謂審矣勢所當守雖效死有所不去勢所當棄 不如是亦不可也在量其力審其勢爾勢誠便力誠及重鎮之可也 乎此紀陟所謂如人有七尺之驅所以禦風寒者亦數處耳便則進於海綿回幾干里作棉披不知其幾里也歷代守備之處大要不出 江淮與荆襄蜀漢之地比年東收泗海西得唐鄧則凡淮漢之南北 則武都為鎮守自荆蜀瑜於漢污其表裏可考如此且由蜀漢東斯 而據之否則退而守之惟不失吾之要害斯為善矣國家今日全有 下差戍為鎮守又進而有漢上則赭陽新野獎到賽陽為鎮守治為

盡守平卒以計棄之果能掣賊肘腋以緩關陝之憂則知所當棄故 謂睢陽江淮保障棄之則賊鼓而南卒以死守之遂能梗其喉牙り 武至瓜步而亟還者懼彭城之議其後也元英擁大眾而不進者以 韓魏則縣布爲下策矣不北據邯鄲而阻漳水則陳豨爲無能矣十 南唇各把淺之費則周人乘之險固其可以不守乎不能并齊魯取 力不足則棄之勢不便則棄之皆可考於古也不斷大峴慕容遺劉 也是故險固則必守之衝要則必守之根本则必守之無民則棄之 全東南之勢則知所當守故也思明之乘勝而西也光弼在洛將楊 以數干重盡之卒抗方張不制之虜眾議以糧盡援絕欲東奔矣巡 全關中以待高祖朱鮪之攻桓温也寇恂勒兵出而禦之不以彼眾 鍾雅之扼其吭也衝要其可以不守乎尹舜寬晉陽以爲保障蕭何 裕之禽不塞成旱石勒知劉曜之敗王行撤守險之備則唐兵入之 河陽韋損以東都帝宅嘗勸之守矣光两日氾水暢嶺盡爲城蹊能

雖都邑有所不恤巡遠李光弼是也禄山之亂尹子奇攻睢陽巡遠

其固與其守法凡國都之境有溝樹之固郊亦如之民皆有職焉若 有是三者雖去而勿顧可也棄守既審守可以必固乎日末也居險 庾亮繼侃以萬人戍之卒致毛實之敗則勢之不便安得不棄之 陶侃以其隔在江北內無倚賴外接羣夷必引虜入寇故棄而不守 達其言重致狼狽則力之不足安得不棄之乎吳以三萬人戍邾城 非復所及莫若還保長江督將各復舊鎮自長江以外羈縻而已治 殷浩出師無功王羲之遺之書日今軍破於外資竭於內保淮之計 虚是以吳魏之際江淮之間不居者數百里則無民安得不棄之乎 欲遷江西之民而廣峻廬江九江斯春戸十餘萬皆東渡江江西遂 弱而為懼也根本其可以不守乎有是三者雖死守勿去可也曹公 我寒順為疑也張邈之迎呂布也荀彧之所守者二城不以敵强己 之職有掌固焉有司險焉皆主守備之官也掌固日若造都已則治 之險山川邱陵自然之險也王公設險以守其國使然之險也周官 固之地則守之易居四戰之地則守之難是以有自然之險有使然 ■悅瘠文鈔卷工──

難易常緊國威之盛衰國威之盛衰常繫將帥之能否昔匈奴方强 其人則棄師有一於此將覆亡之不暇其可以守國乎是故備禦之 也均是兵也或勝或不勝則將之人不同也守非其兵則棄地將非 之溝涂則自然者非人不守也不特此也掌固掌修城郭溝池樹果 所為一或因乎山川則使然者非地不因也除者地之所有而復為 阻路而止行者以其屬守之惟有節者達之則譏察之密如此數者 用惟是得通與國有司帥之以贊其不足者則凡可以為救援者 之固則既有可守之處矣頒其士庶子及其眾庶之守則又有能守 五溝五涂而樹之林以爲阻固皆有守禁而達其道路夫固者人之 不素也晝三巡之夜三聲以號戒則警備之嚴如此國有故則審寒 乙人矣設其飾器分其財用均其稍食任其萬民用其材器則凡可 為無備者無不具也凡守者受法焉以通守政有移甲與其役則 又何守之不固哉然而均是地也或固或不固則守之兵不同 則因之司險日掌九州之圖以周知山林川澤之阻設國

信平國威之威衰繋乎將帥之能否也謝幼度之守廣陵也彭超席 一齊之初高祖料索虜之必來以壽春兵衝使垣崇祖守之及寇之至崇 械蓄败水以待之魏師過而不留今之守山陽者有如僧珍否平南 踵而復間成而有准淝之功矣今之守廣陵者有如幼及否乎蕭僧 尚在雲中匈奴不敢近塞到都守雁門亦為之舉邊引去李廣則號 匈奴屯賦脫以備漢東西魏之分也周人歲椎河氷以防齊及齊政 珍之守山陽也太武以廻山倒海之威深入而反僧珍斂人民储糧 累勝之鋒踐踩淮꾎至於三河幼度起而麾之追亡逐北故境不旋 為飛將李勣則員於長城子儀存則回統革心馬燧罷則吐蕃得計 孤誘之以小城灌之以淝水沙<u>寨</u>一决而强敵遁逃今之守壽春者 既衰則齊人椎米以防周信乎備禦之難易繫於國威之威衰也魏 烽火達於甘泉則漢屯長安之旁以備胡及衛霍深入大有斬獲則 有如崇加否乎東昏之末壽春叛入於魏淮南幾亡矣梁武帝命幸 歇取合肥而守之魏軍畏憚謂之韋虎及其救鍾離也嚴艦一奮而

備西戎皆少與之兵而富之財重與之權而責之功待之必誠任之 若據險堅守平因曹爽有如費禕之守漢中平誠得其人矣弱可奮 之師功名亞於周訪祖逖有如桓平北之守襄陽平內圍步閘外抗 晝夜拒守卒全其城有如昌義之守鍾離乎以寡弱拒守再破石虎 必久由是邊城得以募養死上使為間諜以深知敵人之情偽俟其 北屬命郭進等分成河東路澤以禦太原命趙賛等屯陝石靈武り 少矣然藝祖垂意將帥選任有方命李漢超等五將鎮守河朔以拒 魂伺隙則又有劉繼元焉國家所有者中原百餘州山川之險得之 宋之肇造也北無燕雲故北虜强西無朔方故夏賊熾據晉陽以游 其人則反是矣形勢不敗而利害已殊可不精擇而久任之乎且我 羊祜水陸克捷禽飯萬計有如陸抗之守荆州平羽檄交馳圍棋自 百萬為無今之守合肥者有如韋獻否乎以三十之衆當百倍之師 而爲强虛可張以爲實瘡痍者可養而瘳流散者可誘而復若未得 入寇則出奇設伏以破之皆有以少擊眾之功契丹既不敢犯遏

原則日就窮麼夏童惕息自守不暇厥後何承矩開塘泊興稻田面 謀固知今江淮之險皆有可因倘於擇任將帥之際隨追祖父亦何 烏巢奇也有圍劍閣之正然後有襲江油之奇有攻洄曲之正然後 票屬之足應哉雖然兵以正合以奇勝行大眾於必爭之地者兵之 著於北青澗洛水名於西此皆用得其人故設驗之利與而守國之 河朔為之安富范仲淹築城堡據要害而元昊為之諸命梁門遂城 有播垂都之奇有正而無奇是成安君之稱義兵也不亦拙乎有奇 正則殆盛兵節晉正也太罌波夏陽奇也別管官渡正也襲輜重於 正也馳輕銳於無人之境者兵之奇也有正而無奇則拥有奇而無 定為陣圖大率以大陣為正兵駐之衝要以驍將為奇兵列之左右 其所攻也昔我真宗皇帝備禦北冠講求最詳當採眾議決以聖慮 而無正是曹公之襲烏桓也不亦殆乎故善爲守者非守其正之難 敗楊肇非陸抗有不能爲兹所謂善守者藏於九地之下而敵不知 们防其奇之爲不易奔東南備西北非亞夫有不能料態易夷兵以

以正當其正以奇當其奇若彼反而用之則奇或爲正正復爲奇委 前日之奇他日不為正乎要在問課巡邏之密察烽火候望之精明 之來無常吾之備禦亦不可以執一烏知前日之正他日不爲奇乎 之師虜嘗以爲奇矣賴上皇指授合宜將士用命戰而勝之是故敢 曲周密無不得其至當今若祖述其意而行之豈不可乎推漢巴蜀 將帥有同舟之心城堡有率然之勢使彼小至則少利採入則墮吾 美哉慮其專於守而不知恤民也慮其恃乎險而不知修德也民散 矣將有其人矣審於去取矣盡乎奇正矣抑末也則無如之何古人 乘之於所不備守則為之於必生而備之於所不及乃為善之善者 疎密濶狹無常也邊隅角腹無常也所可常者**攻則形之於必爭**而 則國誰與守德衰則險烏足恃公官構而民潰長城築而泰上吁可 有言在德不在險又日形勢不如德豈以險之不足恃而形勢之不 耳此皆因變制宜出於小術之微豈可按譜而得之雖然守有其兵 之計中雖有孫吳之術猶不得施而況旨沒輕優之處乎譬請夾者

地域的一个

長子近且城固襄子日罷民力以成之又斃民以守之其誰與我從 畏也善乎趙襄子之知守也方其避智伯之難日吾何走乎從者日 智伯園而灌之沉竈產竈民無叛意信乎富强之不如德也養威治 者目邯鄲之倉庫實襄子曰股民之膏譯以實之又因而殺之又誰 求是路之一而已侮嫚驕倨是容之而已背約盗邊是備之而已深入 與我其晉陽平先王之所屬也尹鐸之所寬也民必和矣乃走晉陽 對夷狄强盛不足憂兵農未一深可慮中國樂我自有常道貪欲微 者多助失道者寡助此守備之上策也其勿以爲老生之常談 之民有流離凍餓而無有去為羣益者上皇之德深厚矣孟子曰域 天之寇可謂盛矣三軍之士有戰關死傷而無有局爲降虜者北邊 民不以到疆之界固國不以山谿之險威天下不以兵革之利得道 館職策三 問歷代屯田皆有成績今日兼行官莊募民之法得不償失 何也意欲兵民樂業耕戰並修以省大費其亦有術乎

矣雖堯舜復生井田之法亦未易於遠復於其未易復之中求其粗 救之使不足憂者遂至於可憂則亦何取於善謀哉然兵農之分人 爲冠是驅之而已主誠有道將誠有能法令誠行賞罰誠信兵甲誠 議也文帝行之而邊備以修步兵留田得十二利以省大費趙充 之策也宣帝從之而先零以降二者雖非井田之法而耕戰並修實 可復之術無出於屯田而巳募民徙邊居室田作因以備胡鼂錯之 足士卒誠練加之以天時因之以地利犬羊雖聚其若我何此常人 西域魏之許下唐之振武皆做錯之議而行之也杜茂之於廣武鄧 募則有乏食之處鋒鋪未交而戰士之氣歸於强敵疆場未固而 有古人之遺意此誠安邊制敵之長算後世之不可易者也故漢之 目雖有智者將不能善其後此不亦深可慮乎知其深可慮而無以 不勝生之者寡食之者眾故用常患平不足少發則有濟師之請 (所甚懼)而君子以為不足憂也彼以其眾我以其寡故戰常患乎 一力處於人館將問畏縮以失機會官吏趣辦以苟目前日甚

之心亦必有趨利之心雖有畏死之心亦必有自保之心因其情而 業畏儒無能之眾以從事於橫屍之地是强其所不能也幾何而不 之屆其果敢强力跅弛不羈之氣以俯首於耒耜之間騙其安居樂 甚於本朝蓋自有唐方鎮以來迄於今日幾四百年矣爲農者力耕 時變之不同實亦講之未悉而行之未誠耳議者皆謂兵農之分莫 時而成效昭然著於史策何獨至於今日而不可行哉國家自中興 艾之於淮南荀羨之於石繁皆述充國之策而爲之也彼其行之一 再三矣既立官莊之法又下募民之令累年於弦而功効未見豈獨 利導之若水之於下未有不趨者也且兵之驕而難制敦有甚於唐 駭且亂乎為是說者是知時變而未達於人情者也人情雖有惡勞 以養兵為兵者捍患以衛農各安其事各享其利吾將一旦合而同 以來計司議臣屢嘗及此而皇華之遣以講求規畫為名者亦至於 李必獨日誠用臣言可不诚戍卒不煩百姓糧食皆足府兵亦成究 永泰之後自德宗時屯兵在關中者十七萬經費不充德宗議滅力

肯服田力穑於南畝之間故官莊之設類為虚文募人以耕得不償 果答之備委曲周密使民樂徙而有常居之心文帝從之蓋末間有 失無足怪也朝廷募民以墾閒田其給復有限彼力足以耕者無非 之民而不可使守平兵可使耕民可使守而吾之屯田末獲其利益 家聯之以保伍爲之城郭之固設之賞募之利以至中周虎落蘭石 者如坐棄市及鼂錯之寡人也誘之以贖罪勒之以賜會安之以室 江南之富人也輸期將及則舍而之他旣無租賦之入徒有招徠之 列管於都會之地許技溫巧萃於目前皆足以蕩其心而情其志孰 亦深究其情而為之計乎蓋自古養兵未有厚於今日者平居無事 給貸之須熟則倍償其種而增價以羅其餘俟其安土則從置其家 五六孰謂今日之兵而不可使耕乎秦之遣戍也皆謫而往民之行 其策非有他也出繪帛市耕牛命官鑄農器雜麥種募戍卒願耕者 而以田爲永業此亦不出乎因人情而利之耳令一下而願耕者十 一毫之害也豈秦之民與乎漢之民哉亦避害就利而已孰謂今日

曹其無益於軍儲亦不足怪也爲今之計莫若募出戍之卒而使之 新慕者以勸其來則翕然而趨之矣有力之战能墾闢者命之以官 者勞逸苦樂實相倍蓰習於勞則不憚於耕乏於用則易誘以利善 未易募無以保之則富民未易勸也將者士卒之表率將之所爲則 流水矣二者人情之自然不待强而從者也雖然無以率之則戍卒 為之等級以俟其增廣則土著之法可以漸行而無業之民從之若 耕立力田之科以為勸則實利與而邊儲足矣蓋出戍之卒與安居 使士卒兼耕戰之勞則雖嚴刑驅之適足召亂而已昔晉扶風王駿 不合而自從將所不為則雖合而不從今使仗旄鉞者燕安自居而 之下此者吾之將帥誠能上體朝廷之德意遠追古人之高風載耒 土兵有餘糧且以貴如扶風勲如子儀尙欲以身率之況勢位功名 乃自耕百畝將校以是為差於是士卒不勸而耕是歲河中野無曠 之鎮關中也督勸桑農與士卒分役以及僚佐併將帥兵士等人限 田十畝是以恩威並著羌屬降附郭子儀之鎮河中也以軍食常乏 兄所又小少在一

眾積糧以速冠至亦未為國之利也莫若命將帥牧守行視地形度 湖山之殿可以阻固者募新民居之因立城堡毋下千家使适之輕 況長准之流經冬淺涸可涉之處無慮數十胡騎迅疾去來如風聚 卒單露彼民愚而至神雖有重賞之勸亦未肯自取於危難之地也 穀坐制强敵皆知屯田之爲大利而不知其有所因也夫臨敵境而 繭之爲善康吾三軍之士聽唱而應欣然樂而從之雖欲不率其能 燒如是數年亦終不得其利逊猶岩此而況他人乎是故湟中之戰 屯田至難之事也吳人大個皖城稻田四千餘項積穀至八百萬針 自谷於眾平議者見趙充國之於臨羌與羊叔子之於襄陽屯田積 可滅否則雖欲驅而治田適足資盜糧耳令吾沿江之城池荒圯戍 佃於譙北也熟則远至丁壯戰於外老弱穫于內多持炬火急則焚 耜於軺軒衣皮務於荆棘葉去蒲博而力作之是務不好音樂而麥 不捷則充國之騎兵必不可能石城之戍不撤則叔子之邏卒必不 王渾使應綽攻之倉廪舟船一旦而盡士之死者五千餘人加逖之 開展展・中ンスクーンムメンス・一

兵未易侵掠而來耕者有利無害然後勸論之術可得而施矣 處民計民置東以盡損益之宜令諸典農毋得以商事雜亂以專耕 事出賦人二十畝以均力役發騎就草為佃者游兵以防抄寇相土 然猶有可慮者軍民之不相安而强敵之不樂於我也昔諸葛孔明 農除習之武事舉長淮之南皆府兵也何憂乎邊備何患乎外寇哉 桑之務教人賴以濟耕牛之乏與爐鞴以便鑄器之用皆可次第施 誠行則軍民之願耕者眾夫然後古人之長法皆可次第而舉也田 者雜於渭濱居民之間百姓安堵軍無私焉夫孔明田於敵國之境 行以助於屯田者也遲之累年兵有積栗之利民有安土之心因其 術以致之以其威名著而紀律明也今吾之軍政與諸將之威望誠 未可以比方古人則借民以耕以瘠地易上地或未免於唐人之患 司馬懿以十倍之眾惕息而不敢動軍民雜處又無秋毫之犯果何 以饋運數絕使己志不遂故其出斜谷也分兵屯田為久駐之計耕 而先劫佃兵恐反墮於鮮卑之謀也然而軍之紀律治之在我誠擇 ■ 比*齋文* 少 を 一

對此一以漢唐之行事而考嚴尤班固劉脫之議論有可得而辨矣 且以至常之理言之羈縻備禦者待夷狄之常也征伐和好者待惠 足多羨 勾踐之圖吳身自耕夫人自織以率民於內卑解厚禮重賂行間以 材以為守令使與將帥同心協力以調輯之亦無患乎兵之擾民矣 之間兼用叔子之計則不出數年而兵食兼足矣古人蓄積之豐何 以自治之策非閒暇不可為耳倘吾廟堂之上專行勾踐之謀邊境 故力耕之卒坐收其利夫勾践叔子之心豈真欲玩時而長冠哉誠 近臣之有方略素為諸將所嚴憚者以兼董其事又選寬和通敏之 叔子亦然反自江陵專務信義以懷鄰人之心而陸抗亦爲之戢兵 玩敵於外及其生聚之既蕃教訓之既熟不二十年而吳篤招矣羊 至於敵人之情則在廟算有以制之非將帥攻守之所能獨爲也昔 館職策四 問漢唐禦戎之策如嚴尤班固劉則說各不同點下

| 吾民也其來也勿拒其去也勿追故日羈縻備禦者待夷狄之常也 矣冒改之不已搏噬之無脈患不止於疆場而深至於畿甸毒非止 民不足當新羈之馬則太王之事有所不免魏絳之策於此乎可用 然而中國不常治夷狄不常服多難之世不暇與違戍之師瘡痍之 地不可有而耕其人不可臣而畜故聖人外而疎之不及以政教荒 唐言之也請先言其常而後推明二子之意天之生夷狄也限之り 之博辨豈不足以言此顧乃人自為說而莫之一者亦各因其時而 狄之權也兼用而兩得者上策也得多而失少者中策也得失半者 入矣屈中國以事之毒天下以征之豈得已而不已哉常道不足以 忽無常則嚴爲之備不使害吾民也交告不悛則增修其德不以勤 山川胆之以關塞言語衣服不通於中華飲食嗜好幾同於異類其 已嚴尤之言爲新室言之也班固之言爲東漢言之也劉即之言爲 於蚊蝱而有類於蛇豕則南仲之師不可不遣奮伐之師有時乎深 下策也一舉而兩失之無策也以三子之明智豈不足以知此三子 脱齊文鈔卷一

一於穹廬然有小恥而無大辱烽火通於甘泉然有淺患而無深憂 一叛者九起於中呂氏七國之難皆非小變加以匈奴之强控弦者數 交侵之患弭而中興之業成此所謂兼用而兩得上策也漢高懲世 也及宣王丁中微之運匪茄之寇肉至涇陽甚不得已六月出師然 制之則勢必出於此耳故日征伐和好者待夷狄之權也周之盛也 以手足倒置為之流涕常人視之誠若無策然新造之漢疾傷未復 帝增厚其賂景帝遵而不攺然而背約入盗終不少弭有志之士至 平城之圍而用婁敬之約呂太后隱忍嫚書之辱以從季布之言女 原則何黷武之有雖奏盾功執醜屬特以定王國復境土而已是以 其詩日我服旣成于三十里則何勞師之有又日韓伐玁狁至于大 與之其待之甚蔣也雖在平成之緊猶戎兵以涉禹迹其備之甚嚴 甚輕也若適來班頁不俟馨香嘉味坐諸國門之外而使古人體委 內列六服以謹藩圍九州之外止於世見不王者告之而已其責 丁萬計使當時不少容忍以開邊爨漢之安危末可知也雖淑女嬪

失相半下策也秦王平六國威震六合開闢以來未之有也民自周 衰弊於戰關其欲休息之心甚於機渴矣此下 師大宛何為耶好大不已終以自困計其功過僅足相掩此所謂得 雖無朔方收是邪之地亦棄造陽之北九百里雖匈奴創艾逃遁道 一發其謀衛霍賜其力分道深入二十餘年雖有克提之功胡軟報之 所謂得多而失少中策也武帝藉富庶之資思刷累世之恥慎王恢 奪廚之要害可也絕幕窮追何為耶開西域以斷虜之右臂可也勢 北亦使海內虛耗戸口滅半此非征伐之失窮兵之失也收河南以 **光新大沙松**

| 货金 | | | | | \$5 (S) | | | 763 K.V. | | | |
|---------------|----------|--------|---|-----------|---------|-----------------|--|---|---|----------|------------|
| 竹齋文鈔卷二 | | | | | | | | · | | | ; |
| 政宏 | | | | | | | | | | | |
| | . | | , | | | | | | | | |
| | | | | | | | | | | | |
| | | | | | . ! | | | | | | |
| | | | | | | | | | ! | | |
| | | | | . : | | | | | | | |
| | | | | | | | | | | | |
| | | | | - | | | | | | | |
| \$ 10 P | | | | | | | | | | | |
| | | | | | · . | | | | | | |
| | | i I | | | | | | , . | | ļ | |
| | | | | | | | | | | S | 1 |
| | | | | | | 18 ¹ | | (4) 1 円(5) 2 円(7) 4 円 | | | |